

Satana to KRISTO



Maloba oyo eponami na Watson Goodman Likabo—Mpo na Kotikisa Te

SATANA TO KRISTO

Maloba na Nzambe ebiangi Satana “mokonzi na mokili oyo.” Ye azali Monguna mpenza na Nzambe, mpe motu oyo Nzambe ajalisaki. Bisu bato tozali kati na etumba makasi mpenza. Etumba makasi yango ezali kati na KRISTO mpe Satana. Tosengeli kopona nani kati na bango mibale tokosalela seko, KRISTO Mojalisi—ye azali lokola Imanuele, (Nzambe azali elongo na bisu) —to Satana. Ye ajalisami, mpe ye azali mokonzi na kutumbuka na Nzambe, kotumbuka nyoso. Mpo na kokufa na Ye mpe kosekwa na Ye, KRISTO alongaki Satana. Alongaki nyoso mpenza mpo na bisu nyoso tondimi Ye solo.

Satana amekaka na banjela mingi kokosa mpe kokamba bato na njela mabe. Ntina monene na yango ezali kopesa lokumu. KRISTO, Mojalisi na bisu, akokani na kozua lokumu nyoso na bisu. Tozali koyebana na motu oyo topesi na ye lokumu. Komeka na nsuka na Satana na kobula bato bipai nyoso na mokili ezali kati na: (1) Kokabolana na Nzambe, (2) kotosa milimo mabe, (3) kopesa lokumu na “Motu na masumu,” (4) kopesa lokumu na elilingi na ye, (5) mpe kotia elembo na ye na nzoto na bisu bongo tokoki kosumba to kotekisa. Keba na oyo nyoso! —Watson Goodman (1920-2002)

***Nzambe Ajalisaki Nyota na
Ntongontongo (Satana) mpo na
Esika Monene na Lora***

Mokonzi Nzambe alobi boye, Yo ozali kokokisa metere nyoso, ozali kotunda na mayele, kitoko na yo ekokani nyoso. Yo ozalaki na Edene, elanga na Nzambe; Mabanga nyoso na motuya ejipakaki nzoto na yo, . . . na oro esalami kitoko, mpe befelele na muziki; na mokolo na kojalisa na yo yango ebongisamaki.

***Azalaki Penepene na Kiti na
Mokonzi na Nzambe***

Ozalaki keruba bapakelaki na mafuta, kofungula mapapu na kobomba. Natiaki yo, boye

ozalaki likolo na ngomba petwa na Nzambe. Yo otambulaki kati na mabanga na kongenga.

Ozalaki na likambo mabe na kotambola na yo te longwa na mokolo na kojalisama na yo kino ntango lisumu ezuanini na yo.

***Nzambe Abwakaki Masumu
na Libanda***

Na kati na mombongo na yo mingi, otondaki na mabe mpe okweaki na lisumu. Bongo ngai nalongolaki yo, lokola mbindo, na ngomba petwa na Nzambe. Mpe nabebisaki yo, yo keruba na mapapu na kobomba; mpe okotikala kati na mabanga na kongenga te.

—Ezekiele 28:12b-16

2 NTINA NA MASUMU NA SATANA EZALI NINI?

Maloba na Mayeli 16:18

Liwa ezali kolanda nsima na lolendo. Kokweya ezali kolanda nsima na motema na mokonzi.

Ezekiele 28:17-19

Motema na yo ezalaki na lolendo, na ntina na kongenga na yo, obebisaki mayele na yo na ntina na nkembo na yo; nabwakaki yo na nse; nalalisaki yo liboso na mikonzi ete batala yo.

Nsuka na Motu na Kotumbuka

Mpo na ebele na masumu na yo, mpe na kati na kokosa na mombo-ngo na yo obebisaki bisika na yo na petwa; yango wana ngai nabimisaki moto na yo na kati na yo;

yango esilisaki yo, mpo ngai nabongolaki yo mputulu na moto na mokili na miso na bato nyoso batalaki yo. Bango nyoso bayebaki yo na kati na bato, bajali koyoka nsomo na ntina na yo; nsuka na yo ezalaki mpo na kobanga mpe okozala lisusu soko moke te.

***Mojalisi azali Likolo na Biloko
Nyoso Ejalisami***

Nzambe 100:2, 3

Bósalela Nkolo na esengo, bóya epai na ye na banzembo, bósepela. Bóndima 'te Nkolo azali Nzambe: ye motu asalaki biso, tozali bato na ye, mpate oyo ye abatelaka.

Esaya 14:12-19a

Osili kokwea longwa na lora boni! Yo nyota na ntongontongo, mwana na kobima na moi! Osili kokatama kino mabele boni! yo oyo obukaki mabota. Olobaki na motema na yo ete, Nakobuta epai na lora kolika likolo na mioto na Nzambe; nakokokisa na kiti na ngai na bokonzi, nakofanda na ngomba na koyangana, na epai na likolo mosika; Nakobuta likolo na mapata, nakomijalisa lokola Oyo-Aleki-Likolo.

Abebisaka Makambo na Mokili

Kasi okitisami na nse kino esika na bakufi, kino bojindo na libulu. Baoyo bakomona yo bakotala yo

makasi, bakokanisa mpo na yo ete, Oyo ezali nde motu oyo enengisaki mokili, oyo aningisaki babokonzi? Oyo akomisaki mokili lokola lisobe, mpe abukaki mboka na yango mpe akangolaki bakangami na ye te ete bakenda epai na bango?

*Ye azali Mobebisi Nzambe
ayinaka*

Mikonzi nyoso na mabota, ee bango nyoso, balali na nkembo, moko na moko na nkunda na ye. Kasi yo obwakami longwa na nkunda na yo, lokola etape eboyami, olatisami na babomami, baoyo batobalami na mopanga, baoyo bakokita kino mabanga na bojindo.

4 KOKABOLANA NA NZAMBE EMEMAKA NA KOKUFA

Na Satana na Liboso

(Tala Maloba na Kotumbuka na Satana na Yisaya 14:13-14 na page 3.)

Luka 10:18

Yesu alobaki na bango: Namonaki Satana kokweya uta likolo lokola nkake.

Na Baanzelu oyo Balandaki Satana

2 Petero 2:4

Zambi baanzelu oyo basalaki masumu, Nzambe atikaki bango te, kasi ye abwakaki bango kati na lifero, esika bazali kokangama na mayolo kati na modidi mpo na kozila mokolo na kokata ngwanga.

Na bato oyo Satana Akoki Kokusa

1 Timoteo 3:6

Esengeli ye azala mondimi na sika te, soko boye te ye akozua lolendo mpe akokweya na ngwanga lokola Satana akweyaki.

Esengeli Mokano Moko Mpamba ezali na Lora, Bobele Mokano Kitoko na Nzambe

Bomikokisa te na mayele na mokili oyo, kasi botika Nzambe kobongwa mayele na bino mobimba, bongo bokoki koyeba likambo oyo Nzambe alingi; likambo oyo ezali malamumu nyoso mpe kitoko liboso na ye.

—Baroma 12:2

NZAMBE AKOKANI NA KOZUA LOKUMU NYOSO 5

Zongela Mibeko 5:6, 7

Ngai nazali Nkolo Nzambe na bino, ezali ngai moto nabimisaki bino na Ejipte, esika bozalaki bamba. Bokumisa banzambe mosusu te, bobele ngai.

1 Makambo na Bakonzi 16:29

Bopesa Nzambe lokumu oyo ekoki na nkombo na ye; Boyia na likabo mpe bokota na lopango na ye; bokogumama liboso na Nzambe na nkembo na petwa.

Matayo 4:10

Bongo Yesu alobaki na ye: Longwa Satana! Zambi Buku na Nzambe elobi: Pesa lokumu na Mokonzi Nzambe na yo, mpe salela ye moko.

Nakweyaki na makolo na ye (na anzele) mpo na kosambela ye, kasi ye alobaki na ngai: Keba na kosambela boye! Nazali moninga na yo na mosala mpe na bandeko na yo oyo bazali na likambo na solo oyo Yesu asili kobimisa. Osambela Nzambe! —Emoniseli 19:10a

*Bato Bakusami Bakopesa
Lokumu epai na Motumbuki*

... Mokili mobimba akamwaki mingi, mpe balandaki nyama yango. Batu nyoso babandaki kosambela nyoka monene zambi ye asili kopesa nguya na ye epai na nyama yango Basambelaki nyama . . . —Emoniseli 13:3b, 4a

6 BOSENGELA KOPESA LOKUMU TE NA BANGUNA NA NZAMBE

Satana mpe Milimo Mabe Bazali na Mposa ete Bato Bapesa bango Lokumu

Jaboro akendaki na ye lisusu likolo na ngomba molai mingi, atalisaki ye bokonzi nyoso na mokili mpe nkembo na yango, mpe alobaki na ye: Nakopesa yo oyo nyoso, soko ogumbani na mabolongo liboso na ngai mpo na kopesa ngai lokumu. —Matayo 4:8, 9

Ndambo na batu, bobele batu nyoso oyo malali mabe esili koboma bango te, babongwaki mitema te na kotika makambo mabe bango mpenza basili kosala. Batakaki te kosambela milimo mabe

mpe bikeko na oro, na arza, na mbeli, na libanga mpe na njete.

—Emoniseli 9:20a

Nzambe Akoboma Bato na Kopesa Lokumu na Bango

Bongo, mpota mabe na kopesa mpasi mingi ebimaki na nzoto na batu oyo bazalaki na elemba na nyama mabe, mpe batu oyo bazalaki kosambela elilingi na ye. . . Bakataki ngwanga na batu nyoso bobele lokola misala na bango ezalaki. Babwakaki kokufa mpe esika na bakufi kati na libulu na moto (Libulu na moto oyo ezali kokufa na mibale.)

—Emoniseli 16:2b mpe 20:13b, 14

BAANZELU NA KRISTO MPE BAANZELU NA SATANA 7

*Baanzelu na Nzambe bazali na
Nguya Koleka Baanzelu na
Satana, oyo basili kokweya*

Nzambe 103:20

Bokumisa Nkolo, bino baanzelu na ye, bino bilombe bato botosaka mitindo na ye noki.

Emoniseli 12:7, 8a

Bongo etumba ebimaki na lora. Mikaele mpe baanzelu na ye babundaki na nyoka monene oyo abundaki na bango elongo na baanzelu na ye. Kasi etumba elekaki nyoka monene.

Bongo baanzelu bazali banani? Bango nyoso bazali milimo oyo bazali kosalela Nzambe, mpe Nzambe atindaki bango mpo na

kosunga batu oyo esengeli bazua kobikisa. —Baebere 1:14

Mpo Nkolo akotinda baanzelu na ye, babatela yo bisika nyoso okokende. —Nzembo 91:11

*Baanzelu oyo Basili kokweya
(milimo mabe, bajaboro) bazalaka
na mposa komema Bato
na Lifero*

Luka 11:26a

Bongo ye akei kokamata milimo nsambo mosusu koleka ye na mabe

Molimo alobi polele: na ntango na nsuka batu mosusu bakotika kondima, bakotosa mobeko na milimo na lokuta mpe kolakisa na milimo mabe. —1 Timoteo 4:1

MAKAMBO MPE BATO OYO SATANA AYINAKA MABE

*Motu, Nzambe ajalisaki na
Elilingi na Ye*

Luka 9:42

Ntango mwana azalaki koyia penepene, molimo abwakaki ye na mabele, mpe aningisaki ye makasi. Kasi Yesu apesaki maloba makasi epai na molimo mabe, abikisaki mwana, mpe ajongisaki ye epai na tata na ye.

*Kristo (Nzambe kati na Nzoto),
azali na Kobikisa Kati na Ye
Mpenza mpe Makila na Ye*

Matayo 2:16

Ntango Erode . . . asilikaki mabe mingi. Ye apesaki motindo na koboma bana babali nyoso na

Beteleme . . . kobanda na bana na mbula mibale, to baoyo bakumi naino na mbula mibale te, lokola ye ayokaki epai na batu na mayele

*Maloba na Nzambe—Satana
Asalaka Ntembe na Yango*

Ebandeli 3:1b, 4

Ya solo Nzambe alobi . . . ? Nyoka alobi: Lokuta! Bokokufa te.

Bandimi Babotami-na-Molimo

1 Petero 5:8

. . . Zambi monguna na bino Jaboro . . . azali . . . koluka nini ye akolia.

Elembo Kotalisa Azali Momene

Emoniseli 22:3, 4

Eloko moko oyo Nzambe asili kotuka ekozala kati na gwata yango te. Kiti na bokonzi na Nzambe mpe na Mwana na Mpate ekozala kati na gwata, mpe basali na Nzambe bakosambela ye. Bakomona elongi na ye, mpe bakokoma nkombo na ye na elongi na bango.

(Tala Satana kokosa, kosala lokola nzambe, page 35.)

Asalaka Lokola Basali na Nzambe

2 Bakorinto 11:13, 14

Batu yango bazali bantoma na lokuta, bazali kobuka lokuta na ntina na mosala na bango, mpe

bazali kokosa ete bazali bantoma na Kristo. Oyo ezali likambo na kokamwa soko moke te mpo Satana mpenza abongwamaka lokola anzelu na moi.

Bikamwiseli na Nzambe Ekesani na Bikamwiseli na Lokuta

2 Batesalonike 2:9

Emoniseli 13:13, 14; 19:20

Lokola Kristo Azali na Bokonzi Likolo na Bato Bapesaka Ye Lokumu, Satana azali na Bokonzi Likolo na Bato oyo Bapesaka ye Lokumu, to banzambe na ye

Esaya 26:13a

O Mokonzi Nzambe na biso, bakonzi mosusu bazalaka na bokonzi likolo na bisu

10 BOKEBA ZAMBI NA BANZAMBE NA LOKUTA

1 Yoane 5:21

Bana na ngai, bokeba zambi na banzambe na lokuta!

Kobima 20:3-5a

Bokumisa banzambe mosusu te, bobele ngai. Bosala bikeko te, to eloko moko oyo ekokani na biloko ezali kuna na likolo, awa na nse, to na mai oyo ezali na nse ya mabele. Okokumbamela banzambe na ndenge wana te, mpe bokumisa yango te.

Nzambe ayinaka makambo na banzambe mosusu. Epekisami Koboma Bato lokola Libonja

Jongela Mibeko 12:2 mpe 30a, 31

Bisika nyoso bato ya mboka oyo bolingi kobotela basambelaka

banzambe na bango, boboma yango malamumu malamumu: oyo yango ezali likolo ya bangomba ya minene to ya mike, na nse ya banzete ya mobesu. . . Na ntango wana bokeba, bolanda makambo na bango te, soko te bokokweya na mitambo na bango . . . Bosalela Nkolo Nzambe na bino na ndenge wana soki moke te! Mpamba te makambo nyoso oyo ezali lisuma na miso ya Nkolo, nyoso oyo ye ayinaka, bango basalaka yango mpo na banzambe na bango: kutu batumbelaka banzambe wana bana na bango ya basi mpe mibali.

Makila Na Yesu Asukura Masumu Nyoso.

KOSAMBELA BANZAMBE MOSUSU EZALA JOBA 11

Baroma 1:25

Bazali kobalisa makambo solo na Nzambe mpo na makambo na lokuta. Bazali kosambela mpe kosalela biloko Nzambe ajalisaki, kotika Mojalisi mpenza, oyo akokani na kosanjola mpo na seko! Amena.

Nzambe na biso azali na Likolo; asalaka nyoso oyo alingi. Kasi bikeko na bango ezali bobele bibe-nde; ezali bango moko bato basala yango. Yango ezali na miso, kasi emonaka te; ezali na matoi, kasi eyokaka nsolo te. Ezali na maboko, kasi esimbaka te; ezali na makolo, kasi etambolaka te; ebimiska ata makelele moko te na ma-

ngongo. Bato oyo basalaki yango bakokana na yango; baoyo nyoso batiaka yango mitema bakoma lokola yango! —Nzembo 115:3-8

Kosambela Banzambe Mosusu ezali Kosambela Jaboro

1 Bakorinto 10:14b mpe 20b

... Bokeba na kosambela bikeko... Kasi nalingi te ete bosangana na milimo mabe.

Etumbu mpo na Kosambela Banzambe Mosusu

Emoniseli 21:8b

Batu na kolanda likambo na ndoki, batu na kosambela bikeko, ... esika na bango ekozala kati na libulu kopela na moto mpe baruti, oyo ezali kokufa na mibale.

12 NZAMBE AYINAKA KOSAMBELA BANZAMBE MOSUSU (JABORO)

Nzambe Abomaki Mitinda Mosusu Mpo na Bikeko na bango. Esegeli Bikeko (banzambe mosusu) ezali te na Ndako na yo.

Jongela Mibeko 7:24-26a

Akopesa bakonzi na bango na maboko na bino, moko te akotelema liboso na bino, bokosilisa bango nyoso, bokolongola bankombo na bango awa na mokili. Bongo botumba bikeko ya banzambe na bango. Bomikweisa na motambo te, bomeka kozwa arzan to or oyo bapakela yango te, mpamba te yango ezali biloko ya lisuma na miso na Nkolo Nzambe na bino. Bosengeli koboya yango na

motema moko mpe kobebisa yango nyoso . . . bokoki komema eloko moko ya lisuma te. Soko te bino mpe bokokuma na lisuma . . .

Nzembo 106:36, 37 mpe 40

Babandaki kokumisa bikeko ya banzambe na bango; yango moto ememelaki bango ngambo. Babomelaki yango bana na bango ya mibali na ya basi; bapesaki bango lokola makabo epai na milimo ya mabe . . . Bongo Nkolo asilikela bato na ye; akomi koyina ekolo oyo ezalaki ya ye moko mpenza.

Bokumbamela banzambe ya ndenge wana te, mpe bokumisa yango te. Mpamba te ngai Nkolo,

Nzambe na bino, nazali Nzambe moko ya juwa. Bato oyo bayinaka ngai napesaka bango etumbu, na

bana na bango, na bankoko na bango, mpe bana ya bankoko na bango. —Kobima 20:5

KOSALA NKISI NYOSO EZALI MASUMU 13

Okotika moloki mwasi abika te.
—Kobima 22:18

Nakobebisa nkisi na yo kati na loboko na yo, mpe okojala lisusu na nganga-na-soloka te.
—Mika 5:12

Ntango bokokota na mboka oyo Nkolo Nzambe akopesa bino, bokolanda te makambo ya masuma ya bikolo oyo ezalaki kuna liboso. Moto moko te atumbela banzambe mwana na ye ya mobali te to ya mwasi lokola libonza, to asalela bankisi to bikilakela ya ndenge

nyoso, to atuna makambo na mili-mo na bato bakufa. Nkolo Nzambe na bino amonaka ete kosala bongo ezali lisuma na miso na ye. Yango wana akobotola mokili ya bikolo wana ntango bino bokokuma kuna.
—Zongela Mibeko 18:9-12

Kotomboka na Nkolo ekokani na lisumu ya kindoki mpe koboya mitindo ya Nkolo ekokani kokumisa banzambe na bikeko. Lokola obwakaki maloba ya Nkolo, ye mpe abwaki yo. Ozali lisusu mokonzi te. —1 Samuele 15:23

14 KOYEBISA MAKAMBO NA KOYIA NA NGUYA NA MILIMO MABE

Nzambe apekisaka Koluka Makambo Sekele to Makambo na Koyia, Na Kotala Mito. Soloka, Kokata nzoloka to Kotia Elemba na Nzoto

Levitike 19:26, 28

Bopesa makabo ya boyokani na milimo ndenge na ndenge te, bolia nyama na yango te. Bosala bankisi to bikilakila te mpo na koyeba makambo. Soko bokufela moto . . . bomisokisa nzoto na bambeli te to na makonga, bokata banzolo te. Ngai nazali Nkolo.

Mpo ete bikeko na ndako balobi mpamba, mpe bamoni-na-makambo bamoni lokuta; basakoli ndo-

to na bokosi, bazali kogamisa bobele mpamba. —Zekaria 10:2a

Nakojala motatoli na mbango kotemela bato na ndoki mpe bato na pite mpe baoyo bakosimba ndai na lokuta. —Malaki 3:5b

Tiya Kondima na Mobateli Malamu

Yesu alobaki na bango: Botika mitema na bino na komitungisa te. Bondima Nzambe mpe bondima ngai lokola. —Yoane 14:1

Soloka: Koyebisa Makambo na Koyia to Koluka Makambo Sekele to Kosala na banjela ekosaka.

Kindoki: Kosala maji na nguya na milimo mabe.

BOBOYA NDENGE NYOSO NA KOLUKA MAKAMBO 15 SEKELE TO MAKAMBO NA KOYIA NSIMA

*Koluka Makambo sekele na
milimo ya Bato Basili kokufa*

Yisaya 8:19a

Ekoloba bango na bino ete, Lu-
ka toli epai na bato bakosoolaka
na milimo mpe banganga-nkisi bo-
yo bakolobaloba mpe bakoimami-
ma, ekoki te ete bato baluka toli
epai na Njambe na bango?

*Kotala Biteni na Nzoto na
Nyama, Kotala Elilingi*

Ezekele 21:21

Mpo ete mokonji na Babele
atelemi na kokabwana na njela,
epai na ejuanela na njela mibali
mpo na kosala soloka. Ye ayeketi
bagwanza epai na epai; ye

asengaki makambo na bikeko na
ndako, mpe atali lifwa.

*Etumbu Mpo na Koluka
Makambo Sekele*

1 Ntango 10:13, 14a

Saulo akufaki boye mpo na ko-
tomboka na ye, oyo atombokelaki
Yawe mpe libota na Yawe oyo ye
abatelaki te kasi akendaki kotuna
toli epai na mosooli na milimo.
Atunaki Yawe te.

Mika 3:7

Bamoni-na-makambo bakoyoka
nsoni mpe bato na soloka...
Mpo ate ejali na liloba lijongisami
uta na Njambe te.

16 NDENGE MOKONZI NA MOKILI OYO ASALAKA

*Bapakano Balukaka Makambo
Sekele Kati na Minzoto*

Yeremia 10:2

Yawe alobi boyo ete, Boyekola njela na mabota mosusu te, boba nga mpe bilembo na likolo te, mpo ete bato na mabota bajali koba nga bango.

Tiela motema te na mikanda na bato, to nkisi. Pesana te na muziki na Jaboro to bililingi mabe. “Nakotia miso na makambo ya mabe te”—Nzembo 101:3. Tika lolendo, kozimba, losambo kozanga bomoi.

Matayo 23:27, 28

Mawa na bino . . . bazimbi! . . . Bino bozali boye lokola, na miso na batu bozali komonana mala-

mu, kasi na kati botundi na kozi mba mpe na mabe.

*Koboma yo mpenza euti na
Jaboro*

Ndima te Satana to milimo mabe kolo ba ete koboma yo mpenza ekobikisa yo na mawa to makambo matata. “Boboma moto te”—Bima 20:13.

*Kristo moko akoki kobikisa biso
na ngwanga na masumu*

(Tala page 48 mpe 49.)

Bima 15:2

Nkolo azali makasi na biso ya monene, Ye moto abikisaki biso. Azali Nzambe na biso, tokokumisa ye; Azali Nzambe na bankoko na biso, tokoyembela ye.

Na Banebi na Lokuta**Yeremia 14:14**

Yawe alobi na ngai ete, Basakoli bajali kosakola nkuta na nkombo na ngai; ngai natindi bango te, nalaki bango te mpe nalobi na bango te. Bajali kosakwela bino emononeli na lokuta mpe ekateli na lokuta, likambo na mpamba mpe bokosi na mitema na bango.

***Na Kosolola na Bato Basili
Kokufa*****2 Samuele 12:23**

Na nguya na Nzambe Davidi alobaki na ntina na mwana na ye, . . . "Kasi sik'oyo lokola asi'akufi, . . . kasi ye akozonga lisusu epai na ngai te!"

Bosolola na milimo mabe te, kasi okoki

kopesa bango motindo na kobima na motu. Botia kondima te na koluka makambo sekere na kotala maboko, kotala nkisi, to maji to njela mosusu. . . . "Nde elonga ejali epai na Yawe."—Masese 21:31b

***Boma bikeko, mpe babuku
na Satana*****Misala 19:19, 20**

Mingi na bango bazalaki batu na kosala na nkisi. Bazalaki koku-mba babuku na bango mpe kotumba liboso na batu nyoso. Bata-ngaki motuya na babuku yango mpe bazuaki ete ezalaki mbongo nkoto ntuku mitano. Bongo liloba na Mokonzi ezalaki kotambola na nguya mingi mpe ezalaki kotalisa bokasi yango. (Tanga Gen. 35:2-5.)

18 KRISTO AJALISAKA MOBALI MPE MWASI BONGO BAKOKI KOZALA NZOTO MOKO—SATANA ABEBISAKI MPOSA YANGO

Ebandeli 2:22 mpe 24

Na mokuwa oyo abimisasi na mpanzi na Adamu, Nkolo Nzambe asali na yango mwasi, mpe amemi ye epai ya Adamu. . . . Yango wana mobali atikaka tata na ye na mama na ye, mpe akanganaka na mwasi na ye, mpo bango mibale bakoma moto moko.

Napesi motindo oyo epai na bakristo basili kobalana, (motindo yango ebimi na ngai te, kasi ebimi na Mokonzi). Esengeli te mwasi na libala akabolana na mobali na ye. Soko mwasi akabolani na mobali na ye, ekoki mwasi yango afa-

nda ye moko, abala mobali mosusu te. Soko boye te, ekoki ye ayokana lisusu na mobali na ye, mpe mobali akoki te kolongola mwasi na ye. —1 Bakorinto 7:10, 11

Esengeli libala ezala na lokumu mpo na batu nyoso. Esengeli mobali mpe mwasi basala malamukati na bango, kosala pite te. Nzambe akokata ngwanga na batu na ekobo mpe na batu na pite.

—Baebere 13:4

Motu na kokangana na kosala masumu azali motu na Jaboro, zambi Jaboro nde asalaki masumu na ebandeli. —1 Yoane 3:8a

PITE MPE EKOBO EZALA KOTUMBUKA NA NZAMBE

19

Bosala pite te. —Bima 20:14

1 Batesalonike 4:3

Makambo Nzambe alingi ezali boye: ekoki bozala petwa mpe bokengela bino mpenza na likambo na pite.

Soki moto asali pite ya mwasi ya moninga na ye, baboma ye na mwasi yango. —Levitike 20:10

1 Bakorinto 6:13b, 15a mpe 18

Kasi Nzambe asalaki nzoto na motu mpo na pite te, nzoto ezali mpo na Mokonzi mpe Mokonzi azali mpo na nzoto. Boyebi nzoto na bino ezali biteni na nzoto na Kristo. . . Bokima pite! Masumu nyoso oyo motu azali kosala ezali

komonana na nzoto na ye te, kasi motu na komipesa na pite azali kosala masumu epai na nzoto na ye mpenza.

*Basengeli Baboti Kobatela
bongo bana Basala Ekobo to
Pite te*

Levitike 19:29

Bokumisa bana na bino ya basi mbindo te, botinda bango te basala kindumba na bisika bakumisa banzambe; soki te mabe yango ekopanza na mboka mobimba.

Ekobo: Koyeba nzoto na Mobali to Mwasi azali Motu na Libala te.

Pite: Koyeba nzoto na Mobali to mwasi na Motu mosusu.

Ndenge moko lokola batu nyoso bakufi zambi na lisanga na bango elongo na Adamo, bobele boye, batu nyoso bakobika lisusu zambi na lisanga na bango elongo na Kristo. —1 Bakorinto 15:22

Mwana na Nzambe akumaki bobele mpo na koboma misala na Jaboro. —1 Yoane 3:8b

Zambi bana, lokola ye abiangaki bango, bazali na nzoto mpe na makila, Yesu mpenza lokola akumaki lokola bango, mpe ye azuaki nzoto na batu. Ye asalaki likambo oyo, boye zambi na kokufa na ye, ye akoki koboma Satana oyo azali na nguya na kokufa, mpe Yesu asalaki boye mpo ye akoki kobikisa

batu oyo bazalaki baombo ntango nyoso na bomoi na bango zambi na kobanga na kokufa.

—Baebere 2:14, 15

Ye oyo abikisaki biso mpe abiangaki biso kozala batu na ye, ezali te zambi na misala tosili kosala, kasi zambi na mokano mpe neema na ye mpenza. Ye apesaki biso neema yango kati na Yesu Kristo liboso na kojalisa na mokili. Kasi ye amonisaki neema yango sikawa zambi na kobima na Yesu Kristo Mobikisi na biso, zambi Yesu Kristo asili kosilisa nguya na kokufa, mpe kati na Nsango Malamu, ye amonisaki bomoi na seko. —2 Timoteo 1:9, 10

1 Petero 5:8b, 9a

Monguna na bino Jaboro azali konguruma lokola tambo oyo azali kolela, na koluka nini ye akolia. Botelema makasi kati na kondima, mpe bobunda na ye.

Baefeso 6:11-18a

Bolata biloko na etumba nyoso oyo Nzambe azali kopesa bino, boye bokoki kotelema malamumu na kobunda na yawili na Satana. . . . Nyuya na milimo mabe kati na bisika na lora, . . . na mokili na butu oyo. . . . Bokokoka kotelema na kobundana na monguna, . . . Bongo botelema tayari. Bokanga makambo na solo lokola mokaba na nguku na bino. Bokamata bo-

sembo lokola nguba. Bolata mposa na kosakola Nsango Malamumu na kimia lokola sapato na makolo na bino. Bokamata mikolo nyoso kondima lokola nguba, yango nde ekopesa bino nyuya koboma gwanzana na moto nyoso na Satana. Bolata kobikisa lokola sapo, mpe maloba na Nzambe lokola mopanga oyo Molimo Mosanto apesi bino. Bosala oyo nyoso kati na mabondeli, . . . Bobondela saa nyoso, lokola Molimo Mosanto azali kokamba.

. . . Mpo Molimo Mosanto oyo azali kati na motema na bino azali na nyuya mingi koleka molimo oyo (Satana) azali kati na batu na mokili. —1 Yoane 4:4b

Ye Azali Mongongo na Nzambe
Baebere 1:1a, 2

Nzambe... kasi na ntango na nsuka oyo ye alobaki na biso na njela na Mwana na ye. Ezali na maboko na Mwana yango Nzambe ajalisaki biloko nyoso na mokili, mpe azali ye Nzambe aponaki mpo na kozua biloko nyoso na ntango na nsuka.

Yoane 5:27

Mpe ye asili kopesa na Mwana bokonzi na kokata ngwanga, zambi ye azali Mwana na Motu.

Mako 1:22

Batu nyoso na koyoka ye bakamwaki mingi na ndenge na kolakisa na ye zambi ye alakisaki lokola

balakisi na mibeko na bango te, kasi ye azalaki kolakisa lokola motu na bokonzi.

1 Petero 3:22

Oyo akendaki na lora, mpe azali epai na loboko drwate na Nzambe. Kuna ye azali kokonza likolo na baanzelu, bakonzi mpe nguya na lora.

Baroma 14:9

Mpo ete Kristo asili kokufa, mpe asili kosekwa mpo na kozala Mokonzi na bakufi mpe na batu bazali na bomoi.

Yesu akumaki penepene mpe alobaki na bango: Nzambe asili kopesa ngai bokonzi nyoso na lora mpe na mokili. —Matayo 28:18

KRISTO ALOBAKA MPE ASALAKA NA BOKONZ 23

Mako 4:39

Bongo Yesu alongwaki na mpongi, angangaki makasi epai na mopepe yango, mpe alobaki na mai na etima: Kimia! Fanda nye! Bongo mopepe etikaki kotambola mpe nyoso ekumaki kimia.

Mako 2:10-12a

Kasi nalingi boyeba ete ngai Mwana na Motu nazali na nguya awa na mokili mpo na kolimbisa masumu. Ye alobaki na motu na nzoto mojito: Nalobi na yo, telema, kamata mbeto na yo, mpe kenda na mboka na yo! . . . Ye atelemaki, akamataki mbeto na ye, mpe ake-ndaki. Batu nyoso bakamwaki mingi. Bazalaki kosanjola Nzambe.

Kristo Afukusaki Milimo Mabe

Molimo mabe aningisaki motu yango makasi, angangaki, mpe abimaki na ye. Batu nyoso bakamwaki mingi, batunanaki: Likambo nini oyo? Kolakisa na sika oyo ezali na bokonzi! Motu oyo azali kopesa motindo mpo na milimo mabe mpe bazali kotosa ye.

—Mako 1:26, 27

Kristo Asekwisaki Bakufi na Bokasi na Ye

Luka 7:14b, 15

Yesu alobaki: Elenge mobali, nalobi na yo, longwa na likolo! Mokufi alongwaki, afandaki mpe abandaki kosolola. Yesu apesaki ye na mama na ye.

KRISTO APESAKA BATO NA KOLANDA YE BOKONZI MPE NGUYA LIKOLO NA NGUYA NYOSO NA MONGUNA

Luka 10:19

Boyoka: nasili kopesa bino nguya na konyata nyoka mpe dapaya na makolo, mpe na koboma nguya nyoso na monguna. Eloko moko te ekoki kosala bino mabe.

Luka 9:1

Yesu abiangaki bayekoli jomi na mibale, apesaki bango nguya mpe bokasi na kofukusa milimo mabe mpe na kobikisa malali.

Mako 11:23

Bokoki koloba na ngomba oyo: Longwa awa mpe kenda kokweya na mai monene. Soko bozali na ntembe na motema na bino te,

kasi bondimi ete oyo ekokuma, yango ekosalama boye mpo na bino.

Yoane 14:12a

Nayebisi bino solo: motu na kondima ngai akosala misala oyo nazali kosala lokola.

Mako 9:23

Yesu alobaki na ye: Ozali koloba, soko okoki! Kasi makambo nyoso ekokani na motu na kondima.

Baefeso 1:19

Mpe nguya monene boni ye azali na yango mpo na bandimi. Nguya yango ezali bobele oyo esalamaki kati na Kristo.

Pesa Bango Motindo: Bima na nkombo na Yesu!

Yesu apesaki ye motindo boye: Molimo mabe, bima na motu oyo! Bongo Yesu atunaki motu yango: Nkombo na yo ezali nani? Ye alobaki: Nkombo na ngai ezali Ebele, mpo tozali mingi... Milimo mabe babimaki na motu yango, mpe bakotaki kati na bangulube. —Mako 5:8, 9 mpe 13b

Mako 9:25b-27 mpe 29b

Yesu... apesaki maloba makasi epai na molimo mabe yango, mpe alobaki na ye: Molimo oyo akangisi monoko mpe matoi, napesi yo motindo: Bima na mwana oyo, mpe jonga lisusu epai na

ye te! Molimo angangaki makasi, aningisaki lisusu mwana yango makasi, mpe abimaki. Elenge mobali yango alalaki lokola ebembe. Batu nyoso bazalaki kuna bazalaki koloba: Ye asili kokufa. Kasi Yesu asimbacki loboko na ye, alongolaki ye na likolo, mpe ye atelemaki... Ezali bobele mpo na nguya na kobondela mpe kogina bilei nde motu akoki kobimisa ndenge na molimo yango.

Misala 16:18b

Paulo... abongwanaki alobaki na molimo yango: Na nkombo na Yesu Kristo, nalobi na yo: Bima na ye! Mpe molimo abimaki na mwasi bobele na ntango yango.

26 NKOMBO NA YESU ELEKI NKOMBO NYOSO

Bafilipoi 2:9, 10a

Zambi na oyo Nzambe atombolaki ye na likolo koleka, na esika na lokumu, mpe apesaki ye nkombi oyo eleki nkombi mosusu nyoso na monene. Na . . . nkombi

na Yesu, batu nyoso . . . bakweya na mabolongi.

Mpe nakosala makambi nyosi bokosenga na nkombi na ngai mpo ete Mwana atalisa nkombi na Tata. —Yoane 14:13

Najongaki na Afrique elongi na mwasi na ngai mpe bana na ngai. Tokendaki mpo na kosala mpo na Nzambe. Butu moko nalumukaki mpe molimo mabe mpenza azalaki likolo na ngai. Natindaki mabolongi na ye na mabolongi na ngai mpo na kotala soko ezalaki likambi solo. Ntango nasalaki boye ye atindaki lisusu mabolongi na ngai na makasi mpenza. Mpe akumaki mbangi mpo na kokanga kingi na ngai. Nazalaki bobele na ntango na kolela, “Yesu, sunga ngai!” Noki mpenja ye alongwaki. Nguya bikamwa ezali na nkombi na Yesu mpo na kobikisa mpe kolongi. (Baroma 10:13)

Mwasi moko alobaki na biso na mwasi na ngai ntango ye azalaki na college, elenge mobali akendaki kotambola elongi na ye na njela na makama. Ntango bazalaki kotambola ye amekaki koboma ye, kolongi ekotalana lokola makama abomaki ye. Ntango ye apesaki ye motindo

na nkombo na Yesu, ye azalaki na nguya lisusu te kosala mwasi yango mabe. Na nguya na nkombo na Yesu ye asukumaki ye kotambola liboso na ye ekumi na ntango bakumaki na college.

Mwasi mosusu ayebisaki biso na mwasi na ngai likambo na ntango na elengi na ye. Mbala moko ye afungulaki ndako na ye mpo na fete moke mpo na bato balingaki koyoka motu koyebisa makambo sekele to makambo koyia nsima. Nsima na ntango yango milimo mabe bazalaki kosisa mesa, kiti mpe biloko mosusu na ndako na ye. Ye ayebaki te kosala nini. Kasi na kolemba mabe na likambo yango apesaki milimo yango motindo kobima na ndako na ye na nkombo na Yesu.

Osengeli moke te koyoka mawa mpo na Satana to milimo na ye. Ntina na ye ezali bobele kokosa yo boye okozala mpo na ye, mpe okozala kofunda Nzambe. Mokristo mpaka moko azalaki na nzoto pete mpe makanisi na ye ezalaki mwa kobeba. Ye ayebisaki ngai makambo mingi Satana azalaki koloba na ye. Ye azalaki kokanisa komeka kosala likambo Satana azalaki koloba na ye. Nayebisaki ya Satana azalaki na mayele mingi mpo na kokosa bato, mpe akoki kondima liloba moko te ye alobi. Napamelaki Satana na nkombo na nguya nyoso, nkombo na Yesu Kristo. Ye azalaki na kimia malamumu na poso mitano libosu ye akufaki.

—Watson Goodman

Kristo Azali Nzambe Mojalisi

Bakolosai 1:16

Zambi na ye Nzambe ajalisaki biloko nyoso na lora mpe na moki-li, biloko batu bakoki komona mpe oyo bakoki komona te, nguya na milimo, batu minene, bakonzi mpe batu na nguya. Na maboko na ye mpe zambi na ye Nzambe ajalisaki biloko nyoso.

Kristo Apesaka Mwindanda mpe

Kimia

Luka 1:79

Mpo na kopela likolo na batu oyo bazali na esika na butu na molili na kokufa, mpo na kotambolisa makolo na biso na njela na kimia.

Milimo Mabe mpe Satana

Babomaka

Yoane 10:10a

Moyibi ayiaka bobele mpo na koyiba, koboma mpe kobebisa.

Emoniseli 12:12b

Kasi mawa... mpo na moki-li...! Zambi Satana asili kokita epai na bino, mpe ye azali na nkele zambi ye ayebi ntango na ye etikali moke mpamba.

Satana Apesaka Butu mpe

Mpasi Mingi

Luka 16:22b, 23a

Motu na mosolo mpe akufaki, bakundaki ye. Motu na mosolo azalaki koyoka mpasi mingi na esika na bakufi.

Kristo Azali Solo

Yoane 1:14 mpe 8:31b, 32

Liloba akumaki motu mpe afa-ndaki kati na biso, kotunda na neema mpe na solo. Tosili komona nkembo na ye, nkembo oyo Mwana ye moko azui epai na Tata na ye. . . . Soko botosi kolakisa na ngai malamumu, bokozala solo bayekoli na ngai. Bokoyeba likambo na solo, mpe likambo na solo ekofungola bino na boombo.

Kristo Atundi na Bolingo

Ezali mpo na oyo tokoyeba bolingo: Yesu Kristo apesaki bomoi na ye mpo na kobikisa biso. Boye, biso lokola esengeli topesa bomoi

na biso mpo na kobikisa bandeko na biso. —1 Yoane 3:16

Satana Azali Tata na Lokuta

Yoane 8:44

Bozali bana na Satana, mpe bolingi kosala bolingo na tata na bino. Ye azalaki mobomi uta na ebandeli. Ye asili kotelema kati na likambo na solo moko te, zambi likambo na solo ezali na motema na ye moko te. Ntango ye azali koloba lokuta, ye azali koloba na ndenge na ye mpenza, zambi ye azali motu na lokuta mpe tata na lokuta.

Satana Asukumisaka Motu Koyina

Yoane 15:18

Soko mokili ayini bino, boyeba ete ye ayinaki ngai liboso na bino.

Kristo Apetolaka Motema

1 Yoane 1:7

Kasi soko tozali kotambola kati na moi lokola Nzambe mpenza azali kati na moi, tosili kosangana kati na biso, bongo makila na Yesu Mwana na ye ezali kopetola biso na masumu nyoso.

Kristo Apesaka Bomoi na Seko

Yoane 17:3

Bomoi na seko ezali boye: batu bayeba yo moko ozali Nzambe na seko, mpe bayeba Yesu Kristo motu yo otindaki.

Satana Abebisaka Motema

Bomikosa te, motu akoki koseka Nzambe te. Motu akonduka bobele mbuma na likambo oyo ye alonaki. Soko azali kolona mpo na kosepelisa nzoto na ye, nzoto ekongisa mpo na ye mbuma na kokufa. —Bagalatia 6:7, 8a

Satana Akambaka Bato na Liwa na Seko

Matiti mabe etalisi likambo na batu oyo bazali batu na Satana. Monguna na kolona matiti mabe azali Satana. . . . Lokola balongoli matiti mabe mpo na kobwaka na moto. —Matayo 13:38b-40a

***Ye Azali Mokonzi na
Mokili Sikawa***

Ngai, Yesu, Nakoloba lisusu na bino mingi te zambi mokonzi na mokili oyo azali koyia. Ye azali na nguya likolo na ngai soko moke te.
—Yoane 14:30

***Satana Azali Mokonzi. Soko
Makambo ezali Mabe, Ye
Azali Ntina Yango***

Mayele na ndenge yango euti na lora te, yango ezali mayele na mokili oyo mpe mayele na nzoto, mayele yango euti na Jaboro. Zambi esika jua mpe motema na kozuna esika monene ezali na yango, kuna mobulu mpe mabe ndenge na ndenge ezali. —Yakobo 3:15, 16

Ntango Satana Akoki, Ye alongolisaka Bosomi na Kopesa Lokumu na Kristo Bifungolana. Ye Akoki te Koboma Bolingo na motema na yo mpo na Kristo. Kangana na Kondima!

Kangana na Kristo kino Liwa

Bobele na ntango bazalaki naino kobeta Setefano na mabanga, ye asambelaki boye: Mokonzi Yesu, yamba molimo na ngai! Nsima ye akweyaki na mabolongo, angangaki na mongongo makasi: Mokonzi, tia bango na ngwanga te mpo na lisumu oyo! Nsima na koloba boye, ye akufaki.

—Misala 7:59, 60

MONGUNA NA KRISTO—AKOKONZA MOKILI NDELE

Motu Mabe Yango Akozua Nguya na Satana

Emoniseli 13:2b mpe 7b

Nyoka monene (Satana) apesaki ye nguya na ye, kiti na bokonzi na ye mpe nguya monene na ye. . . . Ye azuaki nguya likolo na mitinda nyoso, na batu nyoso, na minoko nyoso, mpe na batu na mikili nyoso.

2 Batesalonike 2:3, 4

Botika motu moko te na kokosa bino, soko na ndenge nini. Zambzi mokolo yango ekokuma te liboso na kotombuka na nsuka mpe liboso na kobima na Motu mabe yango, oyo Nzambe aponaki mpo na

kobomama. Ye akobunda na biloko nyoso oyo batu basambelaka, mpe na biloko nyoso oyo batu bakanisaka bazali nzambe. Ye akobunda na biloko boye nyoso, mpe akokenda kino kokota na ndako na Nzambe mpo na kofanda kuna, na koloba ye mpenza azali Nzambe.

Emoniseli 13:4

Batu nyoso babandaki kosambele nyoka monene zambzi ye asili kopesa nguya na ye epai na nyama yango. Basambelaki nyama lokola, koloba: Nani azali lokola nyama oyo? Nani akoki kobundana na ye?

MONGUNA NA KRISTO AKOBUNDANA NA BATO 33 NA NZAMBE

Daniele 7:25, 26

Mpe ye akoloba mabe na ntina na Oyo-Aleki-Likolo, mpe akonyokela bato na petwa na Oyo-Aleki-Likolo, mpe akokanisa kaobongola bilaka na petwa mpe mibeko; mpe bango bakopesama na loboko na ye mpo na ntango moko, ntango mibale mpe ndambo na ntango. Nde basambisi bakofanda, mpe nguya na ye ekolongwa ete esilisama mpe ebebisama seko.

Emoniseli 13:5b-9

Ye azuaki bokonzi na kosala kati na sanza ntuku minei na mibale. Ye abandaki koloba maloba mabe

epai na Nzambe, na kofinga nkombobo na ye mpe na esika na kofanda na ye, na batu nyoso oyo bazali kofanda na lora. Bapesaki ye ndingisa na kobunda na batu na Nzambe mpe na kolonga bango. Ye azuaki nguya likolo na mitinda nyoso, na batu nyoso, na minoko nyoso, mpe na batu na mikili nyoso. Batu nyoso na mokili basambelaki ye, oyo elingi koloba, batu nyoso oyo bakomaki nkombo na bango te liboso na kojalisa na mokili kati na buku na bomoi oyo na Mwana na Mpate oyo babomaki. Boyoka malamumu soko bozali na matoi mpo na koyoka!

34 PESA LOKUMU NA ELILINGI NA MONGUNA NA KRISTO SOKO MOKE TE

Nebi na Yawili Akosunga Monguna na Kristo Kokusa Mokili.

Emoniseli 13:14, 15 mpe 19:20

Ye azalaki kolongola batu na mokili na njela na Nzambe zambi na bikamwiseli oyo ye azuaki ndingisa na kosala na liboso na nyama oyo na liboso. Ye azalaki koloba na batu na mokili na kosala elilingi na kopesa lokumu na nyama oyo asili kojoka na mopanga, kasi asili kobika. Nyama na mibale azuaki nguya na kopesa bomoi na elilingi na nyama na liboso boye elilingi yango ekoki kosolola mpe ye akoki koboma batu nyoso na kosambela ye te. . .

Bakangaki nyama na boloko, elongo na nebi na yawili oyo asalaki bikamwiseli na miso na nyama. . . . Babwakaki bango na bomoi nyoso kati na libulu na moto

*Bato na Nzambe Baboyi
banzambe mosusu*

Daniele 3:17, 18

Soki ezali boye mbe Nzambe na biso, oyo biso tosaleli ye, ayebi kobikisa biso na litumbu na moto na kongala; mpe akobikisa biso na loboko na yo. E mokonzi, oyeba ete ata boye te, biso tokosalela banzambe na yo te, mpe tokosambela elilingi na or oyo etemisaki yo te.

MONGUNA NA KRISTO: BOTOSA YE TO BOKUFA 35 NA NZALA

Emoniseli 13:16-18

Nyama yango azalaki kosukuma batu nyoso, batu mike mpe batu minene, mpe batu na mosolo mpe mosikini, baombo mpe bansomi, na kozua elembo na loboko drwati mpe na elongi na bango. Motu moko te akokaki kosomba to kotekisa soko ye azalaki na elembo yango te, oyo elingi koloba nkombo na nyama to numero na nkombo yango. . . Motu oyo azali na mayele akoki kozua likambo oyo ebombami, oyo numero na nyama, zambi numero yango ezali kotalisa nkombo na motu. Numero na ye ezali kama motoba na

ntuku motoba na motoba (666).

*Mokolo Malamu koyia Mpo na
Bato Bazui Kobikisa*

Emoniseli 7:14b, 16-17a

Bazali batu oyo basili koleka kati na konyokolama monene. Basili kosukola kanzo na bango mpe basili kopetola yango kati na makila na Mpate. . . Bakoyoka nzala te, to mposa na mai te, to moi makasi te, to moto makasi ekojikisa bango soko moke te. Zambi Mpate oyo azali na katikati na kiti na mokonzi akozala mobateli na bango, mpe akokamba bango pembeni na mutu na mai na bomoi.

**36 BATO NYOSO BAKOKUFA SEKO SOKO BAPESI
LOKUMU NA MONGUNA NA KRISTO TO BAKO-
ZUA ELEMBO NA YE NA NZOTO MPO NA KOPE-
SA BANGO NJELA NA KOSUMBA TO KOTIKISA**

Emoniseli 14:9-11, 13a

Anzeli na misato alandaki baanzelu mibale na liboso, koloba na mongongo makasi: Motu na kosambela nyama na elilingi na ye, mpe na kozua elembo na ye na elongi to na maboko na ye, motu yango akomela vinyo na Nzambe, bobele vinyo na nkele na ye, oyo ye asopaki kati na kopo na nkele na ye! Batu nyoso na kosala boye bakozua konyokolama kati na moto na baruti, mpe bakoyoka mpasi liboso na baanzelu petwa mpe li-

boso na Mwana na Mpate. Molinga na moto oyo ezali konyokola bango, ekobuta na likolo mpo na mikolo nyoso. Kopema ezali te, to na moi, to na butu, mpo na batu oyo basambelaki nyama mabe mpe na elilingi na ye, mpe mpo na motu na motu oyo azuaki elembo na elilingi na ye. Na nsima nayokaki mongongo koloba na ngai kouta na lora: Koma boye: Esengo ezali na batu oyo bazali kokofuta sikawa, kati na mosala na Mokonzi! Bongo Molimo alobi . . .

KOLONGA LIKOLO NA ELEMBO MPE ELILINGI 37 NA SATANA LIBOSO NA KOYIA NA NKELE NA NZAMBE

Emoniseli 15:1b-3 mpe 16:1

Baanzelu nsambo bazalaki kokamata mpasi nsambo na maboko na bango. Oyo ezali mpasi na nsuka, zambi ezali na njela yango nkele na Nzambe ezali kokokana. Nsima yango namonaki mai na mongwa lokola talatala, kosangana na moto, mpe namonaki batu oyo basili kolonga nyama na etumba, na elilingi na ye, na likolo na ye numero ezali kotalisa nkombo na ye. Batu yango bazalaki kotelema penepene na mai na mongwa yango na talatala, mpe bakamata-

ki na maboko na bango nzenze oyo Nzambe asili kopesa bango. Bazalaki koyemba loyembo na Mose, mosali na Nzambe mpe loyembo na Mwana na Mpate, koloba: Mokonzi na makasi nyoso, misala na yo ezali monene mpe kitoko! Mokonzi na mitinda, makambo okanisi kosala ezali sembo mpe na solo!... Nsima yango nayokaki mongongo makasi oyo ezalaki kouta na ndako na Nzambe, oyo ezalaki koloba na baanzelu nsambo: Bokenda kosopa bakopo nsambo na nkele na Nzambe likolo na mokili!

*Milimo na Satana Bayanganisi
Bakonzi Mpo na Etumba*

Bazali milimo na Satana, kosala bikamwiseli. Milimo misato yango bakendaki epai na bakonzi na mokili, na koyanganisa bango mpo na mokolo monene na Nzambe na makasi nyoso. . . . Milimo bayanganisaki bakonzi na esika babiangi na monoko na Ebere Amagido. —Emoniseli 16:14 mpe 16

*Kristo Abikisi Mokili mpe Bato
na Ye, Israele*

Zekaria 12:2a, 3; 14:3 mpe 12

Tala, nalingi kojalisia Yerusalem kopo na kotetemisa. . . . Na mokolo yango, nakojalisa Yerusalem libanga na bojito mpo na ma-

bota nyoso; baoyo nyoso bakokumba yango bakojokisama mingi mpenja! Mabota nyoso na mokili bakoyangana kotemela yango. . . . Bongo Nkolo akobima mpe akobundana na mabota yango lokola wana abundani na mokolo na etumba. . . . Oyo ekozala malari Nkolo akobeta mabota baoyo babundani na Yerusalem: mosuni na bango ekopola naino bazali kotelema na makolo na bango mpe miso na bango ekopola na esika na yango mpe lolemo na bango ekopola kati na monoko na bango.

Baroma 8:31b

Soko Nzambe azali mpo na biso, nani akoki kobunda na biso?

Baroma 1:18

Zambi Nzambe azali kotalisa nkele kouta na lora mpe kokita likolo na masumu nyoso mpe na makambo mabe nyoso batu basalaka, oyo ezali kopekisa njela na solo zambi na misala mabe na bango.

Mopanga na kopela ezalaki kobima na monoko na ye, na yango ye akobeta mitinda. Ye akokamba bango na lingenda na mbeli, mpe akokamola mbuma kati na esika na kokamola vinyo na nkele makasi na Nzambe na makasi nyoso. Bakomaki nkombo na nzoto na kanzo na ye mpe na lokolo na ye: Mokonzi na bakonzi mpe Nkolo na bankolo. —Emoniseli 19:15, 16

Monguna na Kristo Akokonza mbula mosusu, Kristo Akokonza Awa Mbula Kutu Moko Mpe Akokonza Libela

Bakozala bakohana na Nzambe, mpe na Kristo, mpe bakokonza elongo na ye kati na mbula nkoto moko. —Emoniseli 20:6b

Mpe na mikolo na mikonzi yango Nzambe na lora akotelemisa bokonzi ekobebisama soko moke te, . . . mpe ekotikala lobiko na lobiko. —Daniele 2:44a

Mitinda Nyoso Bakopesa Lokumu na Kristo Mokonzi

Nkolo, mitinda nyoso oyo osalaki ekoyia kogumbamela yo mpe kokumisa yo. —Nzembo 86:9

Emoniseli 12:7-10

Bongo etumba ebimaki na lora. Mikaele mpe baanzelu na ye babundaki na nyoka monene oyo abundaki na bango elongo na baanzelu na ye. Kasi etumba elekaki nyoka monene. Bandimaki te ye mpe baanzelu na ye bafanda na lora. Bafukusaki nyoka monene yango. Ye azali nyoka na kalakala oyo babiangi Jaboro to Satana, oyo azali kokosa batu na mokili mobimba. Babwakaki ye na mokili, mpe babwakaki baanzelu na ye nyoso elongo na ye. Nsima yango nayokaki mongongo makasi kuna na lora, oyo ezalaki koloba: Sikawa kobikisa na Nzambe esili koku-

ma! Sikawa Nzambe asili kotalisa nguya na ye na mokonzi! Sikawa Kristo na ye asili kotalisa bokonzi na ye! Zambis ye asili kobwaka na mokili motu na kosungola bandeko na biso, motu oyo atelemaka liboso na Nzambe mpo na kosungola bango moi mpe batu.

Esika na Satana Seko

Emoniseli 20:9b mpe 10

Kasi moto ekitaki na lora, ejikisaki bango. Bongo Jaboro, oyo azalaki kokosa bango, babwaki ye kati na libulu na moto na baruti, bobele na esika basili kobwaka nyama mpe nebi na yawili. Bakoyoka mpasi moi mpe butu mpo na seko.

Satana akokaki kotosa Nzambe kati na esengo na Lora Libela, kasi amekaki kokonza Bokonzi na Nzambe.

(Tanga Yisaya 14:13, 14 na page 3.)

Mokonzi Kristo Akokonza Seko

1 Ntango 29:11

E Yawe, epai na yo, monene ejali mpe nguya mpe nkembo mpe elonga mpe lokumu. Jambini yonso na likolo mpe na nse ejali na yo, bokonzi mpe ejali na yo, E Yawe, mpe yo okokumisama nkolo likolo ya yonso.

1 Bakorinto 15:24-26

Nsima na oyo, nsuka ekokuma, Kristo akoboma bokonzi nyoso,

na kokonza mpe nguya nyoso na milimo nyoso, mpe ye akojongisa Bokonzi na maboko na Nzambe Tata. Zambini ekoki Kristo akonza kino ntango Nzambe akolonga banguna na ye nyoso, mpe akotia bango na nse na makolo na ye. Monguna na nsuka oyo ye akoboma ezali kokufa.

Emoniseli 11:15

Nsima na oyo anzele na nsambo abetaki ngonga. Mingongo makasi eyokanaki na lora, mpe mingongo yango elobaki: Nguya na kokonza na mokili ezali sikawa na Mokonzi na biso mpe na Kristo na ye, mpe ye akokonza mpo na seko!

42 SATANA MPE MILIMO MABE, BANGUNA NA YO

Satana Abebisaka nzoto Mpe Milimo na bato na makambo na Mobali Kosangana na Mobali, Mpe Koboma Bana Babotami naino te, mpe Kozala na Milimo Mabe.

Baroma 1:27

... Babali ... basili kotunda na mposa na nzoto moko epai na mosusu. ... bazali kozua etumbu oyo ekokani na mabe na bango.

Masese 6:16, 17

Nzambe ayinaka ... maboko esopi makila na motu sembo.

Bongo ye akei kokamata milimo nsambo mosusu koleka ye na mabe. Bajongi elongo mpe bafandi kuna. Ezali bobele boye ete nsuka na motu yango ekozala mabe kole-

ka oyo na liboso. —Matayo 12:45a

Luka bobele Nzambe na Bomoi, Bianga “nzambe mosusu” te mpo na Koyeba Makambo Koyia Ndele, mpo na Koluka Koyeba Makanisi na Bato, Kozua Kobikisa na Nzoto, mpo na Koluka Kokamba mpo na Makambo na molimo.

Satana, Motu Kotumbuka na Nzambe, azali momene na oyo nyoso. Ye asalaka kati na bato, mikanda, nkisi, mpe losambo na lokuta. Ntango azali kosala bikamwiseli, akosunga yo na ebandeli, kasi akokamba kati na moumbu mabe na Satana. Bobele Kristo akoki kobikisa yo, kopesa bosomi.

Pesana na molimo mosusu te, bobele epai na Molimo Mosanto na Nzambe. Ndi-ma bobele Biblia. (Tala Emoniseli 19:13.)

*Kolakisa Nyoso Oyo Akolongoli-
sa yo na Njela Moke, esika na
Kozua Kolimbisa Masumu, ezali
Lokuta. Yango Ezali Kokosa. Ti-
ka Te Njela Oyo na Kozua Kusu-
kura mpe Kobikisa Mpo na
Makila na Yesu. Yesu Moko Azali
Njela na Bomoi.*

Matayo 24:4, 5 mpe 11

Yesu alobaki na bango: Bokeba
boye motu moko te akosa bino.
Zambi batu mingi bakokuma na
nkombo na ngai, bakoloba: Ngai
nazali Masiya! mpe bakokosa ba-
tu mingi. Banebi mingi na lokuta
bakobima, mpe bakokosa batu
mingi.

Bafilipoi 3:18, 19a

Nasili koloba na bino mbala mi-
ngi, mpe nazali koloba na bino si-
kawa na kolela: batu mingi bazali
oyo bazali kotambola lokola
banguna na kokufa na Kristo
likolo na krusi. Nsuka na bango
ekozala kokufa. Zambi nzambe na
bango azali libumu na bango

***Makila na motuya na Kristo
Akobikisa Yo***

1 Petero 1:18, 19 mpe 21a

Boyebi boye . . . Ezalaki te mpo
na biloko oyo ekoki kobeba, lokola
mbongo to oro. Bofungolamaki . . .
Zambi na ye, bozali kondima Nza-
mbe

Moombo na Masumu

Esaya 64:6a

Biso nyoso tokomi likola moko oyo ezali na mbindo mpe misala na biso na bosembo ezali lokola elamba epoli na bosoto

Baefeso 2:2, 3

Bongo bozalaki kondima kokokisa bino mpenza na bizaleli na mokili oyo. Bozalaki kotosa mokonzi na nguya na milimo kati na mopepe, molimo oyo azali kosala mosala sikawa na mitema na batu na kotosa Nzambe te. Biso nyoso tozalaki kolanda mposa na batu, tozalaki kosala lokola mikano na biso elingi, tozalaki kosala makambo lokola

nzoto na biso mpe molimo na biso elingi. Zambis na ezaleli mabe na biso, esengeli tozua nkele na Nzambe lokola batu mosusu.

Satana Akonzaka Bato Babikisami te

Kasi soko Nsango Malamu oyo tozali kosakola ezali modidi, ezali boye mpo na batu oyo babungi njela. Bazali kondima te mpo nzambe mabe na mokili oyo asili kojipa mayele na bango. Nzambe yango azali kopekisa bango na komona mwinda oyo Nsango Malamu ezali kopanzanisa, oyo ezali kotalisa likambo na nkembo na Kristo Yesu, ye oyo azali elilingi na Nzambe. —2 Bakorinto 4:3, 4

SATANA AZALI MOMENE NA BATO BABIKISAMI TE 45

Matayo 13:38

Elanga ezali mokili, mbuma malamumu etalisi likambo na batu oyo bazali batu na Bokonzi. Matiti mabe etalisi likambo na batu oyo bazali batu na Satana.

Bozali bana na Satana, mpe bolingi kosala bolingo na tata na bino. —Yoane 8:44a

Mpo na yango, Tosengeli Kobotama na Sika Kati na Molimo na Kristo

2 Bakorinto 5:17

Bobele na ntango motu asili kokangana kati na Kristo ye asili kozua kojalisa na sika, makambo na kala esili, mpe makambo nyoso esili kokuma na sika.

Yoane 10:27, 28a

Mpate na ngai bayokaka mongongo na ngai. Nayebi bango, mpe balandaka ngai. Napesi bango bomoi na seko.

Pesani na Mokonzi Yesu Sikawa
2 Bakorinto 6:2b

Tala sikawa ezali ntango na koyamba boboto na Nzambe, lelo ezali ntango batu bakoki kozua kobikisa.

1 Yoane 1:9

Kasi soko tobimisi masumu na biso epai na Nzambe, tokoki kotia kondima na biso kati na ye mpo ye asalaka makambo sembo, ye akolimbisa masumu na biso, mpe akopetola biso na mabe nyoso.

Nani akoki kolongola biso na bolingo na Kristo? Mawa ekoki kolongola biso te, bwale, to konyokola, to nzala, to masikini, to matata, to kokufa? . . . Kasi kati na makambo oyo nyoso tozali kolonga zambi na motu oyo alingaki biso mingi. —Baroma 8:35 mpe 37

Zambi bana nyoso na Nzambe akoki kolonga mposa na mokili. Oyo ezali ndenge nini tozali kolonga mokili: ezali zambi na kondima na biso. —1 Yoane 5:4

***Apesaka Lifuta na Bato
na Kolonga***

Emoniseli 2:17

Soko motu azali na matoi, ayoka malamumu likambo oyo Molimo

azali koloba na mangomba! Batu oyo bakolonga na etumba, nakopesa bango mana oyo ebombami. Nakopesa bango lokola libanga mpembe na likolo na yango bakomi nkombo na sika, oyo motu moko te ayebi, bobele motu na kozua yango nde ayebi.

Emoniseli 2:26

Epai na batu oyo bakolonga, mpe bakokengela mosala na ngai kino nsuka, nakopesa na bango nguya . . . likolo na mitinda.

Boye tokoki komikosa moko te ete tokoki kosala mosala ndenge oyo na mayele na biso mpenza. Makambo oyo tozali kosala eutaka na Nzambe. —2 Bakorinto 3:5

***Bima Elongo na Kristo na
Nkembo*****Bakolosai 3:1, 2 mpe 4-5**

Bosekwaki na kokota na bomoi elongo na Kristo. Bongo, boluka makambo na lora, na esika Kristo azali kofanda epai na loboko drwati na Nzambe. Botia makansi na bino epai na likambo na likolo, epai na likambo na mokili te. Bomoi na solo na bino ezali Kristo, mpe ntango ye akobima, bongo bokobima lokola elongo na ye, mpe bokozala na nkembo elongo na ye. Bongo boboma na motema na bino makambo nyoso na mokili: pite, mosoto, mposa na nzoto, mposa mabe, lokoso na

mosolo (zambi likambo na lokoso na mosolo ezali lokola kosambela banzambe mpamba).

***To Okofingama Elongo na
Satana Seko*****Matayo 25:41**

Nsima yango mokonzi akoloba na batu oyo bakozala epai gosi na ye: Bolongwa epai na ngai, bino batu Nzambe asili kofinga! Bokotata kati na moto na seko oyo Nzambe asili kobongisa mpo na Satana elongo na baanzelu na ye!

Nzembo 9:17

Nkolo amimonisi, akati likambo; ekolia bikolo oyo ebusana Nzambe.

Matayo 18:2-4

Yesu abiangaki mwana, atiaki ye liboso na bango, mpe alobaki: Nalobi na bino likambo na solo, soko bobongwani na kokuma lokola bana mike te, bokokota na Bokonzi na lora te. Motu monene eleki kati na Bokonzi na lora, azali motu na komitia ye mpenza na nse, okokuma likola mwana oyo.

***Bobongwa Motema Botika
Masumu***

Mako 1:4 mpe 14, 15

Mpo na oyo Yoane Mobatisi abimaki na jamba, abatisaki, asakolaki koloba: Bobongwa motema. Bozua batisimo boye Nzambe

akolimbisa masumu na bino. Ntango basili kokanga Yoane na boloko, Yesu akendaki na Galilaya, kosakola Nsango Malamumu na Nzambe. Ye azalaki koloba: Ntango Nzambe aponaki esili kokokana, zambi Bokonzi na Nzambe esili kokuma penepene! Bobongwa motema, bondima Nsango Malamumu!

Te, nalobi na bino, soko bobongwi motema te, bino nyoso bokokufa lokola bango. —Luka 13:3

Boye bobongwa mpe bojonga epai na Nzambe mpo ye alongola masumu na bino. —Misala 3:19

(Tala nkasa oyo elandi.)

YAMBA KRISTO MPO NA MOBIKISI NA YO LELO

Omipesi Epai na Yesu Kristo

Pesa makambo na yo nyoso na Nkolo; tia motema na ye, bongo akosalisa yo. —Nzembo 37:5

Yoane 3:16

Zambi Nzambe alingaki mokili mingi, boye ye apesaki mwana na ye moko, boye motu na motu na kondima ye akokufa te, kasi akozala na bomoi na seko.

Misala 16:31

Balobaki na ye: Ndimba Mokonzi Yesu na motema, mpe okozua kobikisa, yo mpe libota na yo.

Nzambe apesaka Nguya na Bana na Ye

Kasi batu mosusu bayambaki

ye, mpe bandimaki ye. Ye apesaki bango ndingisa na kozala bana na Nzambe. —Yoane 1:12

Tatola Kristo Polele

Baroma 10:9-11

Soko otatoli na monoko na yo liboso na batu nyoso ete Yesu azali mokonzi, mpe soko ondimi na motema nyoso ete Nzambe asili kosekwisa Ye kati na bakufi okozua kobikisa. Mpo soko motu akondima na motema, ye akokuma sembo liboso na Nzambe, mpe soko motu akotatola na monoko, ye akozua kobikisa. Zambi Buku na Nzambe elobi: Motu na kondima, likambo ekokosa ye te.

New Testament text reprinted from the New Testament in Bangala by permission of United Bible Societies Africa Regional Centre, Nairobi, Kenya.

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

11-24



Read booklets online or by App
www.wmp-readonline.org

1419 Bangala VJC-SVC